



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

19. Dies Januarii. Vera scientia consistit in duobus punctis, quod Deus sit omnia, & homo nihil.

urn:nbn:de:hbz:466:1-45477

loquebatur ei ad cor. Loquebatur Christus paucis
 verba ad cor Sauli. Quæ repenti metamorphosis
 Miraris tot virgines fuisse ad claustra, tot juvenes ad
 asceteria, tot eremicolas ad solitudines, Martyres
 ad carceres? Deus loquebatur illis ad cor. Dum
 Deus loquitur ad cor, sordet tunc omnis eloquentia
 Tullii, Theologia Platonis, Philosophia Aristotelis,
 ô quis non ambiat se abdere in sacrosanctam illam
 solitudinem, ut tot recipiat è cælo favores, à Deo
 gratias, tot beneficia, quot solent conferri dum
 Deus loquitur ad cor. Hic geminæ animæ facultates,
 intellectus, & voluntas, & innovabuntur, illustrabitur,
 hic inflammabitur, quo quid fingi potest
 est optabilius vel jucundius! Nam

Si dulce est oculis, videre lumen,

Quam dulce est animo, videre Numen?

19. DIES JANUARI II.

Vera scientia consistit in duobus punctis,
 quod Deus sit omnia, & homo nihil.
Laur. Iust.

Creatio I.
 Homi-
 nis.

Qui in principio creavit cælum
 & terram, post principium ex
 nihilo creavit te in terra, tu
 esses aliquando hæres cæli, Hæc sit igitur prima
 tua, cui te impendere debes, Scientia, scire te esse
 Nihil, Deum omnia. Ecce binas abyssos, Ni-
 hil, Omnia. Tu Nihil, Deus Omnia. Ut intel-
 ligas Deum esse omnia, prius descende ad aby-
 sum tui Nihili. Prima ergò in hac tua solitudi-
 ne meditatio, sit tui ex nihilo creatio. Creatus es
 homo,

homo, scis unde homo? ex humo. Nihil humo hu-
 milius. Humus ex nihilo est. Quantum potes, de-
 scende, quia nihil est profundius quò descendas. In-
 fra nihilum, nihil est quò ruas. Vixeris annos mille,
 quid est istud temporis ad æternitatem à retro? quia
 fuisti Nihil. Noli quærere te apud te; tu te nunquam
 inuenies, nisi te perdidideris, & ad nihil redegeris.
 Creatus es. Quid habes, quid potes, quid es, quod
 non accepisti? Tolle quod tuum, & quid habebis ni-
 si Nihil? Quia tui ipsius, nihil est tuum: neq; tu, tuus
 es. Tollat Deus à te quod suum est, quid tibi super-
 erit? Itane nihil. Vides à teipso quid es. Hinc con-
 clude cum D. Bernardo: (a) *Quidquid es, quid-
 quid potes, debes creanti, redimenti, vocanti.*

II. Homo nunquam est ens magis reale, quàm
 cum se agnoscit ens rationis. Quem enim non se fin-
 git? Nec unquam est magis ens rationis, quàm cum
 se negat ens reale. Fuit nihil, verè non est; potest esse
 nihil. Nunc igitur cum sis Nihil, superbus adhuc
 eris, si te putes pulverem, & cinerem, cum sis nihil,
 nisi inanitas, & peccatum, quod minus est, quàm ni-
 hil! Nihil boni habes: cur extolleris contra summū
 Bonum? Multa mala habes, cur non confunderis
 coram hominibus? Omnia mala habere potes; cur
 non contremiscis ubique, & semper? Omnia mala
 facere potes, cur non formidas te? Ipsa essentia tui,
 non est tua, sed illius, cujus tu es, Dei. Vin' aliquid
 mirabilius? Id quod habebat antequam esses, tuum
 non erat. Fateor, antequam esses, nihil eras: ta-
 men esse poteras: quod autem potueris esse, hoc
 ipsum tantillum non habebas à te, sed ab eo, à quo

D

est

(a) *In verb. Apostol.*

est omne esse à Deo. Qui si non esset, tu non posses esse, O Deus! loquar ad te, qui processi à te, cum te Augustino: (a) *Totum quidquid sum, de misericordia tua est. Sed promerui te, invocando te. Ut esset quid feci? Ut essem qui te invocarem, quid egi? Si nim egi aliquid, ut essem, jam eram antequam essem porro si omnino nihil eram antequam essem, nihil promerui ut essem. Fecisti ut essem, & non tu fecisti bonus essem? Dedisti mihi ut sim, & potuit mihi aliquid dare, ut bonus sim?*

III. Quid nunc te magnum putas, cum ipse quod nihil eras, antequam creareris, non eras ex te. Ideò plus quàm te debes Deo: nam debes etiam cum non eras, posse esse, sed jam creatus es: & hoc es. Dic modò, quod membrum tui, factum est à bitrio tuo, aut cui articulo digiti, aut pedis luto posuisti, aut quam Deo ministrasti materiam ad minimum in corpore membrum fingendum? Latuerant in Idæis divinis, & ejus potentia thesauris creaturæ infinitæ, quæ in suo nihilo relictæ, productæ non sunt, nec unquam producentur: qua prece impetrasti, vel quo pretio hoc tibi comparasti, creatæ à Deo, ut inter innumera, quæ poterant esse, tu præ cæteris esses? Quo tu studio, merito, labore id affectus es, ut non esses oculis luscus, manibus mancus, pedibus claudus, corporis parte aliqua mutilus. Ut non esses Theriste deformior, Oreste furiosior, Dauno infanior? Non dedisti Deo, ut te crearet consilium; aut ut te talem crearet, qualis es, Deus te consuluit? Cùm igitur inter omnia, sis nihil quid superest, quàm ut velis ab omnibus æstimari

(a) In Psal. 58.

Nihil? Cùm ex te nihil possis, quid restat, quàm ut
 te nihili facias? Cum quovis momento possis rever-
 ti ad nihili, quid est, quòd te non existimes minus
 quàm nihil? Vis sapere? Hoc consilium sequere: ut
 sis aliquid Deo, esto tibi nihil, & imprime hanc
 menti Elegiam:

*Pulvis & umbra sumus: pulvis, nihil est, nisi fu-
 mus:*

Sed Nihil est fumus; nos Nihil ergò sumus.

20. DIES JANUARI.

Erubescere volutari in cœno, qui es è cœlo.

D. Bern. Serm. 24. in Cant.

Dei in homi- **I**ntellexisti à teipso quid es; Au-
 nem bene- di nunc Anime, quid à Deo ac-
 ficia. ceperis. Ipsa te Dei mens con-
 cepit: Idæa formavit, Verbum expressit, Benevo-
 lentia decrevit, Potentia in lucem dedit. Creatus es
 homo, Deuste voluit intellectu præditum cùm
 crearet, ut intelligeres quid acceptum debeas
 Creatori. Quando matris in utero, materiæ in-
 fundebaris Anime, quis tibi tunc primus labor
 fuit? Opinor mundi opificem æmulari? Tu indi-
 gestæ massam materiæ in corporis fabricam, inte-
 riore, exterioreque structura mirabilem digessisti,
 parvumque adeò tibi molitus es mundum. Ha-
 bet sua elementa, suum cœlum, & astra sua. In eo
 regnas opifex, idem, & Monarcha. Magno quo-
 que mundo dominaris; tibi factus est; & hunc